

重印
續修建水縣志

卷七之十一
午

民國癸酉冬重印

續修建水縣志

王垂書署

神
可
雲
木
錦
水
雲

自
今
百
今
今
今

續修建水縣志稿目錄

卷之十

古蹟

寺觀

金石遺器

碑碣匾額

塚墓

祥異

平海木欄口

卷之十

古蹟

寺

山

園

池

亭

樓

閣

堂

續修建水縣志稿

古蹟

寺觀

金石遺器

碑碣匾額

塚墓附

古人往矣而人每於數十百年後追溯其遊釣之蹤制作之遺傳爲美談長與終古豈偶然歟抑其人有足重而其所留詒乃並傳於不朽耳君子疾沒世而名不稱志士勉乎哉

賁古故城 在城東三十里漢置縣屬益州郡後漢因之蜀漢屬

興古郡晉因之東晉時廢

惠剛故城 卽縣治也唐書永徽初章仇兼瓊開步頭路元史地理志建水在本路之南爲雲南極邊城蒙氏所築地名步頭亦云巴甸每夏秋溪水漲溢如海夷謂海爲惠剛爲大故名

惠剛譯曰建水歷趙楊李段數姓皆仍舊名至元十三年改建水州洪武中設府恢拓舊治模規始大焉

寧遠廢州 在城西南一百餘里明初置萬歷末廢今俗呼河底卽故州治址存

臨安廢衛 在城東明初建以指揮領之並設五千戶所屬焉康熙六年裁

諸葛井 在永貞門內考武侯南征由姚州至順寧永昌麓川窮山極筭獨未及迤南乃郡則有井石屏有占寧州有城通海有駐軍山車里有塔有營壘有寄箭處天威震於殊俗忠信孚於蠻貊殆有未可以等夷思議及也

思樂亭 又名觀水亭釣鰲亭在泮池中央久圯光緒四年郡守

許廷桂重建池周二十餘畝澄泓如鑑上面石臺斬截宮牆
萬仞金碧交輝宏整巨麗冠迤東西大成殿丹墀下古柏數
株皆元時所植

朝陽樓 卽東城樓剏自明初高百餘尺勢凌霄漢每當旭日初
升晨光遠映望之如黃鶴岳陽登其上俯瞰城市煙火萬家
風光無際爲南中大觀舊西南北樓皆準此丁亥燬於兵惟
此巋然獨存

環翠樓 卽南城樓平疇綠畦一望葱蒨

望京樓 卽北城樓與南樓相對

挹爽樓 卽西城樓眼界少亞朝陽但亦有西來爽氣之概

鐘樓 跨東南隅雉堞上洪鐘高八尺圍二丈有奇俯臨瀘江

徐伯陽云金爲水母母鳴子戀故少水患

鼓樓 在城垣東北隅燬於明末丁亥之變

寧邊樓 在永貞門內鎮署之左跨通衢高三十餘尺康熙間平

魯魁建以銘功並設鐘鼓司更籌額爲總兵王洪仁題光緒
間總兵張松林改題靖邊樓

居敬堂 在城東二里廢臨安衛北明指揮萬賓建翰林修撰陳
循爲記

惠宣堂 在城北里許明知府陳禮建侍讀學士王直爲記

半閒亭 爲明郡守章士元省耕憩息處舊在東林寺內光緒丁

酉年改建寺前屋宇臨池花木成蹊風景雅絕章府舊題有
此心到處祈民福何日空門結淨緣之句

州牧劉武功拜北處 在雲龍山眞武宮旁

仙人洞 在城南十五里李金階修養於此

瑞蓮館 郡城北書房也嘉靖辛酉池開瑞蓮是科蕭崇業張法

孔等十人鄉試登科者九知府章士元額其堂曰瑞蓮館

借綠舫 在府署中舫前疊石爲小山玲瓏透露宛若洞天一品

牆外喬木數株交青布綠四時不改丹徒王文治題曰樹在

鄰家借綠看

春風亭 原名宣諭亭在崇文書院山長講學之所

對山草堂 在府署東偏以對煥山故名額爲王夢樓題兵燹幾

廢邑人寶貴書法移置崇正書院

古軍營

在西城外

以上均見府志其爲州志所已載者均不再及

靜樂園

明鄉賢唐鰲致仕歸與其弟某建此讀書在城東長塘

子址存

澄湖別墅

在城南五里回回村澄湖寺側前明邑人包繼肅致

仕歸築枕山面湖地勢幽曠泉石花竹頗饒野趣內有嘯蘆

舫晴嵐精舍菱湖悅稼軒軒額爲郡守泰懋觀省耕至此題

址存

柳莊 在城南三里瀘江鄉側前明都給事中劉洙歸養築

崇文樓 在石橋上丙辰兵燹燬

尊經閣 原在大成殿右道光十一年移置城西北隅光緒癸卯

折毀

松鱗古舍 在城北十餘里馬家村以松鱗爲瓦青蒼古雅爲世
所無按郡城易土以磚始自前明洪武至今磚幾於復化成
土矣而松鱗不壞奇哉

水鑑東亭 在麥廠大椿橋建自前明燬於咸豐兵燹遺址猶存
湖光掩映一鏡如磨康熙間譚璜垂釣於此人問胡不仕曰
不舍家鄉黃酒熟藕也

天柱塔 在城東十五里閤洞山高十三丈六尺舊有遺址道光

元年建至同治三年甲子以龍華會餘貲重建完固

崇文塔 在城東玉皇閣後殿元蒙時舊有年久損壞道光八年
重建高六丈

文筆塔 在城西七里拜佛山道光八年建高六丈餘

五雲齋 在馬鞍山爲侍郎包見捷副使譚繼統兩公讀書處

石羊山房 在城內崇善巷頭爲貢生王相別墅嘗蓄一石形似

羊知府王文治嘉其學行因題以顏其齋

水林園 在東關外福東寺詳見洗馬塘

大年堂 在城內眞武宮側陳閣學世烈第乾隆癸丑錢澧題跋

云嘯瀘夫子官侍從時一日上詢及太夫人壽對以八十上
改容曰好大年後太夫人實八十有三夫子則八十有四而
開必先者夫子大父始遷滇公九十有三也世慶相承重以
天語褒異名堂以詔雲初宜哉

儉樸堂 乾隆間傅副都御史爲許嘗一日上朝上見衣冠樸素
謂曰卿真儉也因以儉樸顏其祠堂祠在城東二里大麥廠
蕙光草堂 簣山亭 賜書室 均在東林寺街進士薛天培讀

書處賜書室則因通籍後於密雲縣任內奉文領御製康熙
字典一部御製周易折中一部開州任內奉文領欽定書經
傳說彙纂一部欽定詩經傳說彙纂一部欽定春秋傳說彙

纂一部聖諭萬言廣訓一部御製朱子全書一部預行保舉
圓明園引見調繁遵化奉旨於勤政殿請訓恩賜御筆諭直
省督撫等官墨刻一章御筆朋黨論墨刻一章御筆喜雨詩
墨刻一章而名也天培有賜書室記

東巖別墅 在城東十餘里古橋口爲隱士仝溥讀書處

石涼亭 在水林園西葉應期主政別墅

賈家菴 在雲龍山開化寺前劉彪弟賈彤讀書於此基址尙存

始基洞 在雲龍山紫禁城山下爲傅巖溪廖韻樓兩翰林讀書

處

珂里樓 在城北知府葉燦章題仁壽里並跋優貢周鼎撰序

仙留遺蹤石 在城東天緣橋橋爲鄉賢傅大美建落成突有足

跡大尺餘入石寸許人以爲仙跡今猶存

石留馬跡 在城西老李洞石關坡嘉慶間窩泥酋長高羅衣馬
哈扎叛道經此地忽見關帝乘馬當道上賊大駭却走石上
留馬跡無數深寸許今猶存相傳爲帝君靈異云

樹杪金鈴 城南十五里乾離洞樹高十餘丈人難攀援相傳乾
離道人棲霞時掛鈴樹巔客至無風自鳴今猶存

飛來樹 城內東南隅土主廟前有榕樹一株夜間忽飛來一枝
橫跨樹腰如寄生然今猶存

巖溪廬墓處 在城北五十里香林寺前三寶山

化雨閣

衛璜先生講學處在城西崇文書院上虞周士棨題額

三翰坡

在城東百里許近青雲橋包侍郎見捷蕭都憲崇業李

翰林遇元祖墓均在此鍾毓靈秀其信然與

瑞蓮亭

原名水亭又名涼亭在武侯祠右同治間遊擊宗汝吉

建亭池中水繞四圍通以石梁頗饒雅致後梁鎮士美居此

荷開重臺一時士林作詩稱賀因名瑞蓮亭

萬歲樓

俗名白衣樓在武侯祠後同治間總兵梁士美建高四

丈有奇規製精巧四面開軒琉璃黃瓦氣象崢嶸上供萬歲

牌爲梁公舊日拜北處

瞻漢閣

在永貞門內供關帝像名曰瞻漢言帝忠於漢也乾隆